

2. Ef ökuferð tekur fleiri en einn dag. 165
3. Þegar um er að ræða akstur erlendra ferðamanna, sem ferðast á vegum stofnana í landinu, og sem þurfa að semja um fargjald áður en farþegarnir eru komnir til landsins. 21. júlí
4. Hópfærðir gegn ákveðnu sætagjaldi.  
Við tölulið í 1, 2 og 4 skal með verðlagningu aksturs farið eftir gjaldskrá bifreiðastjórafélaganna á hverjum stað og tíma.

## 6. gr.

Samgöngumálaráðuneytið ákveður hverja tegund eða tegundir gjaldmæla skuli nota og hver eða hverjir skuli annast útvegum þeirra og leigu, svo og leigukjör.

## 7. gr.

Notkun gjaldflokka gjaldmælisins fer eftir gjaldskrá leigubifreiða á hverjum tíma. — Þegar breyting verður á gjaldskrá, skal það auglýst greinilega, svo allur almenningur eigi þess kost að fylgjast með breytingunni.

## 8. gr.

Samgöngumálaráðuneytið skipar löggildingarmann, einn eða fleiri, fyrir mæla og skal löggildingarmaður framkvæma mælingar á þeim og löggildingu, svo og viðgerðir, breytingar og innsíglun, gegn gjaldi, er samgöngumálaráðuneytið ákveður.

## 9. gr.

Brot gegn reglugerð þessari varða refsingu samkvæmt 38. gr. bifreiðalaga, nr. 23 16. júní 1941.

Með mál út af brotum skal farið sem almenn lögreglumál.

Sektir fyrir brot renna í ríkissjóð.

## 10. gr.

Reglugerð þessi er sett samkvæmt 32. gr. bifreiðalaga, nr. 23 16. júní 1941, til að öðlast gildi 1. október 1952, og birtist til eftirbreytni öllum þeim, sem hlut eiga að máli.

*Samgöngumálaráðuneytið, 21. júlí 1952.*

**Hermann Jónasson.**

*Páll Pálmason.*

## REGLUGERÐ

um rafveitusjóð Suður-Þingeyjarsýslu.

166

19. ágúst

## 1. gr.

Til þess að standa straum af héraðsframlagi til héraðsrafmagnsveitna ríkisins í Suður-Þingeyjarsýslu, og að stuðla að því á annan hátt, að fullnægt verði þörfum íbúa sýslunnar á raforku, stofnar sýslan sjóð, er nefnist „Rafveitusjóður Suður-Þingeyjarsýslu“.

## 2. gr.

Í rafveitusjóð skulu renna:

- a. Heimtaugagjöld samkvæmt 4. og 5. gr. þessarar reglugerðar;
- b. hluti Suður-Þingeyjarsýslu af tekjuafgangi héraðsrafmagnsveitna ríkisins samkvæmt 30. gr. raforkulaganna;
- c. vextir af fé sjóðsins.

166 Sjóðnum má enn fremur afla tekna á hvern þann hátt, sem sýslunefnd ákveður  
19. ágúst og lög heimila.

### 3. gr.

Sýslunefnd getur tekið lán handa rafveitusjóði, ef gjöld sjóðsins verða í bili meiri en tekjur hans hrökkva fyrir, en vextir og afborganir af þeim lánum teljast síðan til gjalda sjóðsins.

### 4. gr.

Hver sá, er óskar að fá rafmagn úr fyrirhugaðri héraðsrafmagnsveitu ríkisins í sýslunni eða fá heimtaug úr héraðsrafmagnsveitu ríkisins, sem fyrir er, eða fá tengt hús, sem er grunngjaldsskylt (sbr. 5. gr.), skal hafa greitt heimtaugargjald í rafveitusjóð áður en lagning veitunnar er hafin, áður en heimtaug er lögð, eða áður en hús er tengt, eða gert skriflegan samning um greiðslu þess, og má þá krefjast þess, að trygging verði sett fyrir greiðslunni. Upphæð heimtaugargjalds ákveðst samkvæmt fyrirmælum 5. greinar.

Af nýjum húsum eða viðbótarbyggingum, sem ekki eru grunngjaldsskyldar (útihús, geymsluhús o. þ. h.), er heimtaugargjald hundraðshluti af fasteignamatsverði samkv. 5. gr., og fellur í gjalddaga þegar er húsin eru tekin í notkun.

Um greiðslu kostnaðar af breytingu heimtaugar og þess konar fer eftir nánari ákvæðum í reglugerð héraðsrafmagnsveitna ríkisins.

### 5. gr.

Heimtaugargjald skal vera grunngjald af fasteign að viðbættum hundraðshluta af fasteignamatsverði. Grunngjald skal vera 1000 kr. af hverju íbúðarhúsi, hverri kirkju og hverju samkomuhúsi o. þ. h. húsum, sem ekki eru notuð til atvinnurekstrar, og auk þess 2000 kr. af hverju búi, hverjum skóla o. þ. h. stofnunum og hverri fasteign, sem notuð er til atvinnurekstrar annars en búrekstrar, og til viðbótar við grunngjald skal greiða 60 af hundraði af fasteignamatsverði húsa, mannvirkja, lands og lóða allt að 55000 króna matsverði, 20 af hundraði af þeim hluta fasteignamatsverðs, sem fer fram yfir 55000 krónur allt að 500000 króna matsverði og 5 af hundraði af því, sem er þar fram yfir, enda sé samanlögð lengd háspennu og lágspennulína veitunnar ekki yfir einn km á hverjar 3000 krónur, sem áætlað er að greiðist í grunngjöldum.

Ef ekki er fyrir hendi mat á fasteign, sem greiða skal heimtaugargjald af, getur sýslumaður áætlað matsverðið og miðað heimtaugargjaldið við það. Láti eigandi meta fasteignina áður en heimtaugargjald fellur í gjalddaga, skal þó miða við það mat.

Fari línulengd veitu fram úr því, sem tilgreint er í 1. málsg., skulu heimtaugargjöld hækka samtals sem nemur áætluðu kostnaðarverði af þeim línunum, sem fram yfir eru, og skal kostnaðarverðinu deilt jafnt á alla gjaldendur hinnar fyrirhuguðu veitu, nema samkomulag verði með þeim um aðra skiptingu sín á milli.

### 6. gr.

Oddviti sýslunefndar hefur allt bókhald, fjárreiður og innheimtu fyrir rafveitusjóð. Hann semur árlega reikning rafveitusjóðs. Skal reikningur undanfarins árs lagður fram á sýslufundi til samþykktar og gilda þar um sömu reglur sem um sýslusjóðsreikninginn. Á sýslufundi skal semja áætlun um tekjur og gjöld rafveitusjóðs yfirstandandi árs. Skal oddviti sýslunefndar leita tillagna raforkumálastjóra um lagningu nýrra héraðsrafmagnsveitna og aukningar eldri veitna í sýslunni á hverju ári nægilega snemma til þess að leggja þær fyrir fundinn. Framlag til héraðsrafmagnsveitu getur sýslunefndin bundið við ákveðin mannvirki. Afrit af rafveitu-

sjóðsreikningi og áætlun um tekjur og gjöld skal oddviti sýslunefndar senda raf- 166  
orkumálastjóra að afstöðnum sýslufundi. 19. ágúst

7. gr.

Úr rafveitusjóði má ekki greiða styrk til annarrar héraðsrafmagnsveitu í sýslunni en héraðsrafmagnsveitu ríkisins, nema veitan hafi reglugerð, staðfesta af ráðherra, er heimili henni að njóta styrks úr rafveitusjóði sýslunnar, og rafmagnsnotendur hennar greiði sjóðnum heimtaugargjöld samkvæmt 4. og 5. gr. þessarar reglugerðar.

8. gr.

Ef einstakir bændur í sýslunni eða fleiri saman reisa vatnsaflsrafstöðvar til heimilisnota utan þess svæðis, sem héraðsrafmagnsveitum er ætlað að ná til í náinni framtíð, má veita þeim til þess lán úr rafveitusjóði, allt að  $\frac{2}{3}$  kostnaðar með 2% vöxtum til 15 ára, enda séu stöðvarnar vel gerðar að dómi raforkumálastjóra. Umsóknir um lán úr sjóðnum sendist oddvita sýslunefndar, en sýslunefnd ákveður lánveitingar.

Reglugerð þessi, sem sýslunefnd Suður-Þingeyjarsýslu hefur samþykkt, staðfestist hér með samkvæmt raforkulögum, nr. 12 2. apríl 1946, til þess að öðlast þegar gildi, og birtist til eftirbreytni öllum þeim, sem hlut eiga að máli.

*Atvinnumálaráðuneytið, 19. ágúst 1952.*

**Hermann Jónasson.**

*Þorv. K. Þorsteinsson.*

**REGLUGERÐ**

um breyting á reglugerð um veðlán úr lífeyrissjóði barnakennara og ekkna 167  
þeirra, nr. 131 4. júlí 1951. 19. ágúst

1. gr.

Fyrri málslíður 4. gr. reglugerðarinnar orðist þannig:  
Lántakandi greiðir árlega 6% vexti af skuld sinni.

2. gr.

Í stað orðanna „6% ársvexti af skuld sinni“ í 6. gr., 2. mgr., komi: hæstu lögleyfða fasteignalánavexti.

3. gr.

Reglugerð þessi öðlast þegar gildi.

*Fjármálaráðuneytið, 19. ágúst 1952.*

**Eysteinn Jónsson.**

*Sigtr. Klemenzson.*